

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

**Асшодъя экспертъясӧс, кодъясӧс пыртӧны Коми Республикаса канму
органьяслӧн аттестационнӧй да конкурснӧй комиссиясӧ, коран да бӧр्यान пӧрадок
вынсьӧдӧм йылысь**

«Россия Федерацияса канму гражданскӧй служба йылысь» Федеральнӧй оланпаслӧн 22 статьяса 8² юкӧн да 48 статьяса 10² юкӧн, «Асшодъя экспертъясӧс, кодъясӧс пыртӧны федеральнӧй канму органьяслӧн конкурснӧй да аттестационнӧй комиссиясӧ, коран да бӧр्यान правилӧяс вынсьӧдӧм йылысь» Россия Федерацияса Велькӧдлан котырлӧн 2021 во рака тӧлысь 12 лунся 359 №-а шуӧм, «Коми Республикаса канму гражданскӧй службалӧн ӧткымын юалӧм йылысь» Коми Республикаса Оланпасын 1¹ статьялӧн 2 юкӧнса 4² пункт серти шуа:

1. Вынсьӧдны Асшодъя экспертъясӧс, кодъясӧс пыртӧны Коми Республикаса канму органьяслӧн аттестационнӧй да конкурснӧй комиссиясӧ, коран да бӧр्यान пӧрадок содтӧд серти.
2. Тайӧ Индӧдсӧ олӧмӧ пӧртӧм бӧрся видзӧдны Коми Республикаса Юралысьлӧн Администрацияӧн Юрнуӧдысьлы.
3. Тайӧ Индӧдыс вынсялӧ сійӧс официальнойӧ йӧзӧдан лунсянь.

Коми Республикаса Юралысь

В. Уйба

Сыктывкар

2023 вося косму тӧлысь 10 лун

32 №

ВЫНСЬӨДӨМА
Коми Республикаса Юралысьлөн
2023 во косму тöлысь 10 лунся 32 №-а Индöдөн
(содтöд)

Ашодъя экспертъясöс, кодъясöс пыртöны
Коми Республикаса канму органъяслөн аттестационнöй да
конкурснöй комиссиясö, коран да бөръян
ПÖРАДОК

1. Тайö Пöрадокыс урчитö наука, велöдан да мукöд организацияс петкöдлысьяс лыдысь, кодъяс лоöны Коми Республикаса канму гражданскöй служащöйяслөн уджикас серти служебнöй уджын лöсялана юкөнъясын да сикасьясын, кадрöвöй технологияс да канму гражданскöй служба юалöмъяс серти специалистъясөн, ашодъя экспертъясöс (водзö – ашодъя экспертъяс), кодъясöс пыртöны Коми Республикаса канму органъясын артмöдан аттестационнöй да конкурснöй комиссиясö (водзö – комиссияс), коран да бөръян правилöяссö.

2. Ашодъя экспертъясөн вермöны лоны Россия Федерацияса граждана, кодъяслөн эм вылыс тшупöда тöдöмлун да Коми Республикаса канму гражданскöй служащöйяслөн уджикас серти служебнöй уджын лöсялана юкөнъясын да сикасьясын (водзö – гражданскöй служащöйяс), кадрöвöй технологияс да канму гражданскöй служба юалöмъяс серти (водзö – гражданскöй служба) 4 воысь абу этшаджык уджалан стаж.

3. Ашодъя экспертъясöс, кодъясöс пыртöны аттестационнöй да конкурснöй комиссиясö, корö да бөрйö Коми Республикаса канму гражданскöй службаөн веськöдлан орган (водзö – Уполномочитöм орган).

4. Ашодъя экспертъясöс, кодъясöс пыртöны аттестационнöй да конкурснöй комиссиясö Уполномочитöм органөн тайö Пöрадоклөн 2 пунктын индöм граждана лыдысь, корöм да бөрйöм могысь лöсьöдöны да нуöдöны ашодъя экспертъяслысь реестр, кодъясöс вöзйöны Коми Республикаса канму органъяслөн аттестационнöй да конкурснöй комиссиясö пыртöм вылö, Уполномочитöм органөн вынсьöдöм форма серти (водзö – реестр).

Реестрөн урчитöма гражданскöй служащöйяслөн уджикас серти служебнöй уджын юкөнъяс да сикасьяс, кадрöвöй технологияс да гражданскöй служба юалöмъяс серти, кöни тайö йöзыс лоöны специалистъясөн, ашодъя экспертъяс йылысь юөр сикасалöмсö.

Реестрö йöзöдöны Коми Республикаса канму да муниципальной служба порталын.

Реестр лöсьöдöм да выльмöдöм могысь Уполномочитöм орган корö ашодъя экспертъясöс наука, велöдан да мукöд организацияö (водзö – организацияс) либö канму органъясö, кодъяс лоöны тайö организациясöс учредитысьясөн (водзö – органъяс), ашодъя экспертъяслысь кандидатураяс сетöм йылысь запросъяс ыстöмөн.

5. Комиссиясö пыртан ашодья экспертлөн кандидатура йылысь тöдмөгьяссö ыстыны Уполномочитöм органö тайö Пöрадок дорö 1 №-а содтöдын индöм форма серти кадколастö, мый оз вевтырт организацияö либö органö тайö Пöрадоклөн 4 пунктын индöм запрос воан лунсянь 30 календарнöй лун.

6. Оз позь ыстыны ашодья экспертлөн кандидатура йылысь тöдмөгьяссö сылөн сöгласлунтöг, кутшöмöс урчитöма тайö Пöрадок дорö 1 №-а содтöдөн, а сідзжö организацияөн (органөн) юрнуöдысьлөн сöгласлунтöг, кодöс петкöдлысьён лоö тайö мортыс.

7. Организациясөн да органьясөн юрнуöдысьяс вермöны ыстыны Уполномочитöм органö ашодья экспертъяслөн кандидатураяс йылысь вöзйöмьяссö ас кöсйöм серти тайö Пöрадок дорö 1 №-а содтöдөн урчитöм форма серти.

8. Уполномочитöм орган пасйö ашодья экспертъяслөн кандидатураяс йылысь организацияссянь да органьяссянь воём тöдмөгьяссö да вöзйöмьяссö, кутшöмьясöс индöма тайö Пöрадоклөн 5 да 7 пунктъясын, налөн воан лунсянь 1 уджалан лун чöжөн Уполномочитöм органын примитöм делопроизводство правилöяс серти.

9. Уполномочитöм орган видлалö тайö Пöрадоклөн 5 да 7 пунктъясын индöм тöдмөгьяссö да вöзйöмьяссö налөн воан лунсянь 30 календарнöй лун чöжөн.

10. Ашодья экспертъяслөн кандидатураяс йылысь тöдмөгьяс (вöзйöмьяс) видлалан кывкöртöдьяс серти Уполномочитöм орган:

1) бöрийö ашодья экспертъяслысь кандидатураяссö тайö Пöрадоклөн 2 пунктса положениеяс вылö мыджсьöмөн;

2) пыртö реестрö ашодья экспертъяслөн кандидатураяс йылысь тöдмөгьяссö, кодьяс лöсялöны тайö Пöрадоклөн 2 пунктса положениеяслы.

Ашодья экспертлысь кандидатурасö реестрö пырттöм вылö подулөн лоö тайö Пöрадоклөн 2 да 6 пунктъясөн урчитöм корöмьяслы лöсявтöмлун.

11. Коми Республикаса канму орган комиссиясö пырысьясöс индытöдз либö наö пырысьясöс вежтöдз 35 календарнöй лунысь оз сёрджык, сы лыдын комиссияö (комиссиясö) пырысьяс лыдын ашодья экспертлөн 3 вося лоан кадколаст помасьöмкөд йитöдын, ыстö Уполномочитöм органö ашодья экспертöс (ашодья экспертъясöс) корöм йылысь запрос, кодьясöс пыртöны комиссияö (комиссиясö), сылысь аспассö индытöг тайö Пöрадок дорö 2 №-а содтöдын индöм форма серти (водзö – запрос).

12. Уполномочитöм орган пасйö Коми Республикаса канму органьяссянь воём запросьяссö, кутшöмьясöс индöма тайö Пöрадоклөн 11 пунктын, налөн воан лунсянь 1 уджалан лун чöжөн Уполномочитöм органын примитöм делопроизводство правилöяс серти.

13. Уполномочитöм орган бöрийö ашодья экспертöс (ашодья экспертъясöс), кодi лоö гражданскöй служащöйяслөн уджсикас серти служебнöй уджын лöсялана юкөньясын да сикасьясын, кадрöвöй технологияяс да гражданскöй служба юалöмьяс серти специалистөн,

кутшöмъясöс индöма Коми Республикаса канму органлөн запросын, мый урчитöма тайö Пöрадоклөн 11 пунктөн, да индöм запрос босьтан лунсянь 15 календарнöй лунысь оз сёрджык ыстö Коми Республикаса канму органö ашодья эксперт (ашодья экспертъяс) йылысь тöдмөгьяс.

14. Организациясөн да органъясөн юрнуöдысьяс выльмөдöны ашодья эксперт йылысь тöдмөгьясö Уполномочитöм органö тайö Пöрадок дорö 1 №-а содтöдөн урчитöм форма серти сы йылысь стöчмөдöм тöдмөгьяс ыстöмөн.

15. Организацияяс либö органъяс юөртöны Уполномочитöм органö ашодья эксперт пыдди комиссияö (комиссиясö) пыртöм вылö вöзйöм мортöс бөр корöм йылысь сэк, кор организацияөн юрнуöдысь, кодöс петкөдлысьөн лоö тайö мортыс, примитö татшöм помшуöмсö, татшöм бөр корöмсö подулалöмөн.

16. Ашодья экспертлөн сöгласлун серти сылы позьö лоны комиссияö (комиссиясö) пырысьяс лыдын организацияысь сйöс вöтлöм бöрын, кутшöмöс петкөдлысьөн лоö тайö мортыс, комиссияö (комиссиясö) пырысьяс лыдö тайö ашодья экспертсö медводдзаысь пыртан кадпассянь 3 вося кадколаст мындаын.

17. Ашодья экспертöс вермöны выль пöв пыртны комиссияö (комиссиясö) лöсялана комиссияын (комиссиясын) лоан кадколаст помасьöм бöрын 3 во мысти оз водзджык.

8. Мобильной телефон номер, электронной пошта инпас

9. Содтөд төдмөгъяс:

Эскөда тайө төдмөгъяслысь збыльлунсө да тырвуйөлуносө да сета ассыым сөгласлунос Коми Республикаса канму органъяслөн аттестационной да конкурсной комиссиясө пыртөм вылө вөзьян ашодья экспертъяслөн реестрө найөс пыртөм вылө, ме серти прөверитан мероприятияс нуөдөм да менсьым аспас обработайтөм (сы лыдын автоматизируйтөмөн обработайтөм) вылө йөзөн, кодъяс вермөны вөдитчыны индөм реестрөн, а сіджө сета ассыым сөгласлунос менсьым аспасъясөс (ов, ним, вич (эм кө), чин) Коми Республикаса канму да муниципальной служба порталын йөзөдөм вылө.

(кырымпас)

(асшодья эксперт –
организацияс петкөдлысь пыдди
вөзийөм мортлөн ов, ним да вич (эм кө)

20 ____ вося _____ « ____ » лун

(кырымпас)

(кандидатура сөгласуйтысь организацияөн
юрнуөдысьлөн ов, ним да вич (эм кө),
кодөс петкөдлысьөн лоас ашодья экспертыс)

20 ____ вося _____ « ____ » лун

¹ Специальностьяс, дасътан нырвизьяс дорө (специальностьяслөн да дасътан нырвизьяслөн ыдждөдөм группяс дорө), уджсикас тшупөд дорө квалификация корөмъяслөн справочник серти, кутшөмъяс колөны гражданской служба чинъясын уджалөм могысь гражданской служащөйяслөн уджсикас серти служебной удж юкөнсө да сикассө төд вылө босьтөмөн, кутшөмъяссөс урчитөма «Россия Федерацияса канму гражданской служба йылысь» Федеральной оланпаслөн 12 статьяса 8 юкөнөн.

Асшодъя экспертъясӧс,
кодъясӧс пыртӧны Коми Республикаса
канму органъяслӧн аттестационнӧй
да конкурснӧй комиссиясӧ,
коран да бӧръян пӧрадок дорӧ
2 №-а СОДТӐД
(форма)

Коми Республикаса канму органлӧн аттестационнӧй да (либӧ)
конкурснӧй комиссиясӧ пыртан асшодъя экспертӧс
(асшодъя экспертъясӧс) корӧм йылысь
ЗАПРОС

(Коми Республикаса канму органлӧн ним)

(Коми Республикаса канму органлӧн аттестационнӧй да
конкурснӧй комиссиясӧ меститчанӧн инпас)
аттестационнӧй да (либӧ) конкурснӧй комиссиясӧ пыртӧм могысь кора сетны асшодъя эксперт
(асшодъя экспертъясӧс) йылысь тӧдмӧгъяс, кодӧ лӧсялӧ татшӧм корӧмъяслы:

1. _____
(Коми Республикаса канму гражданскӧй служашӧйяслӧн уджсикас серти
служебнӧй удж юкӧнъясӧс да сикасьясӧс, кадрӧвӧй технологияс да канму гражданскӧй
служба юалӧмъясӧс индӧмӧн быд асшодъя эксперт дорӧ корӧмъясӧс опишитӧм)
2. _____
(Коми Республикаса канму гражданскӧй служашӧйяслӧн уджсикас серти
служебнӧй удж юкӧнъясӧс да сикасьясӧс, кадрӧвӧй технологияс да канму гражданскӧй
служба юалӧмъясӧс индӧмӧн быд асшодъя эксперт дорӧ корӧмъясӧс опишитӧм)
3. _____
(Коми Республикаса канму гражданскӧй служашӧйяслӧн уджсикас серти
служебнӧй удж юкӧнъясӧс да сикасьясӧс, кадрӧвӧй технологияс да канму гражданскӧй
служба юалӧмъясӧс индӧмӧн быд асшодъя эксперт дорӧ корӧмъясӧс опишитӧм)

Индӧм тӧдмӧгъясӧс кора сетны _____-ӧдз

(Коми Республикаса канму органлӧн аттестационнӧй либӧ
конкурснӧй комиссиялӧн планируйтан заседаниелысь кадпассӧ тӧд вылӧ босьтӧмӧн)

(медалысӧс петкӧдлысь)

(кырымпас)

(ов, ним да вич
(эм кӧ))

20 ____ вося _____ « ____ » лун